

Impressum

Comisciun por la grafia nöia dl Ladin scrit dla Val Badia:

Claudia Canins, Cristina Castlunger, Erika Castlunger,
Rosmarie Crazzolaro, Maria Frenner, Magdalena Miribung,
Otto Moling, Sara Moling, Leander Moroder, Werner Pescosta,
Edith Ploner, Felix Ploner, Roland Verra, Albert Videsott, Paul Videsott

Coordinamënt:

Felix Ploner

Cun la colaboraziun de:

Giovanni Mischí, Claudia Rubatscher,
Isabella Ties, Daria Valentin, Paul Videsott

Impaginaziun y grafica:

Felix Ploner

Dé fora da:

Departimënt Educaziun y Cultura Ladina
Inovaziun y Consulënza
Str. Pintri 29, I-39100 Balsan
© 2015 pedagogich.it

Istitut Ladin Micurá de Rù
Stufler 20
39030 San Martin de Tor
© 2015 micura.it

Stamparia:

Stamparia dla Provinzia Autonoma de Balsan

ISBN:

978-88-6669-042-9

Grafia nōia
Ladin scrit dla Val Badia

Parores danfora

Le sföi che l tignis tles mans é n ressumé dles regoles dla grafia dl ladin scrit dla Val Badia cun lapró les ultimes mudaziuns. Al dess ester n aiüt pratic ch por düc chi che scrí tesć por ladin, anfat sce por fins privac o te na forma ofiziala.

Ince sce la grafia dl ladin dla Val Badia nes aparësc incö sciöche valch daldöt de »normal«, ne podunse nia se desmentié che al á orü ester tröc dejenars y nia püc sforc por la lauré fora, la renforzé y la consolidé te sü aspec desvalis. La grafia d'aldedaincö é porchël le resultat de n tru de svilup lunch, olache an á porvé da ciafé i mius compromisc danter mantignimënt dles carateristiches dl lingaz y pratizité tl'adoranza.

Sce la grafia ê plüdadî, porvia dla mancianza de n dër sistem, ciamó scialdi lëdia y arbitrara – vignun scriô n püch sciöche al ti gnô imënt – é incö la chestiun bëgn cotan plü inant y ponüda sön na fondamënta linguistica valgamia frëma. Mo chi che se dá jö plü a funz cun la grafia dl ladin odará defata che la storia de süa normaziun y scemplificaziun n'é dessigü ne nia ciamó stlütä jö daldöt.

La produziun de tesć scric por ladin é incö tan grana co che ara n'é ciamó mai stada. Le status dl ladin scrit ciafa insciö tres n majer pëis y cun ël aumënta ince le prestisc cultural dla mendranza – tles vals ladines y ince foradecá. Le scrí ladin se damana incö porchël regoles scëmples y tleres y che sides pratices y economiches tl'aplicaziun. Chësc é ince sté le pinsier de basa che á acompagné y rovenü dal scomenciamënt incá le laur dla comisciun te so impëgn da porté inant la reforma ortografica da püch aprovada y jüda en forza.

Chèsta ultima reforma ortografica é gnüda damanada dala Scora, cun le fin da educché ince tl ladin a na buna comunicaziun scritta. Sön chëra á l'assessur provinzial por la scora y cultura ladina Florian Mussner metü sö na cumisciun de chëra ch'al fajò pert rapresentanc dla Scora ladina, dl Istitut Ladin Micurá de Rù y dla Seziun ladina dl'Universitè lèdia de Balsan.

Cun chësta revijiun dess le sistem grafich dl ladin scrit dla Val Badia gnü consolidé y le lingaz instès diventé tres deplü sciöche en stromënt da adoré te na verjiun le plü unitara che ara vá por la valada intiera.

Les regoles plü scëmples y tleres dess implü ince alisiré le laur dl personal insegnant dles scolines y scores y motivé tl medem tēmp i jogh y i manco jogh da scrí plü ion y porchël ince plü sovēnz por ladin.

Les regoles d'ortografia nöies é jüdes en forza ai 23.03.2015, cun la sotscriziun de n'acordanza inanter l'Intendēt Roland Verra, le Presidēt dl Istitut Ladin Micurá de Rù Albert Videsott y l'Assessur por la scora y cultura ladina Florian Mussner.

Balsan, ai 30.03.2015

Felix Ploner

Diretur

Inovaziun y Consulēza

Leander Moroder

Diretur

Istitut Micurá de Rù

Paul Videsott

Professur Seziun ladina

Universitè lèdia de Balsan

* Le sēgn  indichëia les mudaziuns aprovades cun la reforma nöia.

L'azënt grafich

' = stlüt

^ = zirconfles (= le »tèt«)

⇒ L'azënt grafich segnalëia le post de azentaziun dla parora ti caji odüs dant chiló dessot, mo ne desfarenziëia nia plü la cualité vocalica, porchël vëgn düc i azënc dagnora scric stlüc, anfat sciöche la pronunzia concreta di vocai é: al **á**, **fá**, **cianté**, **lauré**, **mangé**, **graní**, **vidí**, **ciamó**, **lapró**, **borjú**, **santú** y i.i.

L'azënt grafich vëgn metü:

- sön dötes les parores polisilabiches che se röia cun n vocal azenté (chësta regola resta anfat sciöche denant)
- sön dötes les formes verbales monosilabiches che se röia cun vocal azenté

chësc vel por:

- i infinitifs y i partizips monosilabics che se röia cun vocal azenté:
fá, **trá**, **rí**, **dí**, **sté**, **stá**

⇒ - dötes les formes coniugades monosilabiches di verbs che se röia cun vocal azenté: iö **ó**, **sá**, **dá**, **á**, **stá**, **vá**, **pó**, **pé**, ... ; al/ara/an/ai/ares **ó**, **sá**, **dá**, **á**, **stá**, **vá**, **pó**, **scrí**, **lí**, **rí**, **pé**, ... ; i imperatifs **dá**, **fá**, **stá**, **dí**, **té**, ...

⇒ c) na forma verbala che porta l'azënt grafich tla forma normala le mantëgn ince tla inverjiun: al **dá** → spo **dál**, ara **stá** → spo **stára**, an **pó** → spo **pón**, iö **ó** → spo **ói**, ai **rí** → spo **ríi**, al **ciantá** → spo **ciantâi**, i **dormî** → spo **dormîi**, ara **jará** → spo **jarára**, ares **riará** → spo **riaráres**, ...

- ↪ d) na forma verbala che porta l'azënt grafich tla forma normala le mantëgn ince tles formes componüdes cun pronoms o particoles: p.ej. tl imperatif: **dá** → **dáme** mo, **fá** → **fáte** pa, **lí** → **líele** pö, ...
L'imperatif plural ne porta indere degun azënt: **ciantede!**, **jide!**, **sriede!**, ...
- e) ti caji olache l'imperatif foss formalmënter anfat danter singular y plural, él la forma singulara che porta l'azënt: **ciánteme** na ciantia (tö a me) ↔ **ciante**me na ciantia (os a me); **cúnteme** na storia (tö a me) ↔ **cunte**me na storia (os a me), **tólele** (tö) ↔ **tolele** (os); **ciántesse** valch (tö a nos) ↔ **ciantesse** valch (os a nos); **dái** (tö a ëi) ↔ **dédei** (os a ëi)
- ↪ te düc i atri caji ne vëgn l'azënt grafich **nia** plü metü:
- ↪ a) nia plü tles inverjiuns, tuc fora i caji nominá dessura: ara cianta → spo **ciantera**, al dorm → spo **dormel**, ares cianta → spo **cianteres**, ...
- b) nia plü tles combinaziuns vocaliches, olache le secunt vocal é azenté: daíte → **daite**
- ↪ c) nia plü sön la desinënza azentada **-es** dl singular: azès → **azes**, prozès → **prozes**, zirconfless → **zirconfles**, ...
- ↪ d) nia plü sön i pronoms possessifs por desfarenzié la funziun agetivala da chëra pronominala (**to** cian, al é le **to** ↔ denant: to **ćian**, al é le **tò**)
- ↪ e) nia plü sön i pronoms personai, por desfarenzié la forma tonica da chëra atona:
i te laldi → i laldi **te** (denant: i laldi **tè**)
- ↪ f) nia plü sön i pers minimis che se desfarenziëia ma por la cualité vocalica: **sora** = denant **sóra** (allein/sola) y **sòra** (Sohle/suola), **toch** = denant **tóch** (dick/grasso) y **tòch** (Stück/pezzo), **bot** = denant **bót** (Fass/botte) y **bòt** (Schlag/colpo) ...

- ↪ g) nia sön i sostantifs monosilabics (regola sciöche denant) y gnanca plü sön i sostantifs olache l'azënt desfarenziâ les categories gramaticales: p.ej.: **de** (von/di - Tag/giorno), **me** (mich/mi - Schmerz/dolore), **se** (sich/si - Salz/sale), ...

L'azënt zirconfles

L'azënt zirconfles vëgn metü do les medemes regoles dl azënt grafich, sce le vocal azenté é lunch.

L'azënt zirconfles vëgn porchël ciamó metü:

- a) sön les parores polisilabiches che se röia cun vocal lunch azenté: plüdad**i**, ded**ò**, ind**ò**, ...
 - b) sön les desinënzes dl imperfet: i ciant**â**, te ciant**âs**, al/ara ciant**â**, i ciant**ân**, i ciant**âse**, ai/ares ciant**â**, ...
 - c) na forma verbala che porta l'azënt zirconfles sön la forma normala le mantëgn ince tla inverjiun: al ciant**â** → spo ciant**âl**
 - d) lapró vëgn l'azënt zirconfles mantigní sön chisc caji de pers minimis: di/d**î** (de+i/lange-a lungo), di/D**î** (de+i/Gott-Dio), la/l**â** (articul feminin singlar/Großmutter-nonna), chit/ch**ît** (bewegungslos-fermo/still, Ruhe-silenzioso, silenzio), é/ê (al/ara é/Biene-ape)
- ↪ te düc i atri caji ne vëgn l'azënt zirconfles nia plü metü:
 - ↪ a) nia tles inverjiuns olache le vocal tonich é lunch: al dij → spo **dijel** (denant: d**ij**el), ara fej → spo **fejera** (denant: f**ê**jera), ares fej → spo **fejeres** (denant: f**ê**jeres), ...

- ↪ b) nia tles combinaziuns vocaliches, olache le secunt vocal é azenté:
laûr → **laur**, laûrs → **laur**s, raîsc → **raî**sc, paîsc → **paî**sc, ...
- ↪ c) nia plü sön la desinënza azentada **-er** dl singolar: secretêr → secre**ter**,
ciafêr → cia**fer**, frisêr → fris**er**, ...
- ↪ d) nia plü pro la 1^a porsona sing. y nia plü pro la 3^a porsona sing. y pl. di
verbs dla 1^a coniugaziun, olache le verb vëgn da sëgn inant scrit fora:
i **lavi**, i **stravi**; al/ara/an/ai/ares **lava**, **strava**, **brava** ...
- ↪ e) pro le plural dles parores polisilabiches che se röia cun **-é** tl singolar
vëgnel mantigní le medem azënt grafich ince tl plural:
cit**é** → cit**és**, poscibilit**é** → poscibilit**és**, ...
(denant: cit**ês**, poscibilit**ês**, ...).

Grafems



- a) Dan e, i, ë: **c**
cer**f**, cig**h**é, c**è**st, ce**pl**, **c**ier, c**è**nder
- b) dan a, o, u, ö, ü: **ci**
cia**f**é, **ci**oscia, **ci**öm, **aci**a, **ci**urn, **ci**üf, **ci**unca, **cia**fer, **craci**a, **ci**ola, p**ü**cia
- c) ala fin dla parora: **c**
tr**ö**c, gal**ü**c, pat**ü**c, **tec**, **lac**, **lunc**, **püc**, **mec**, **fioc**

⟨c(h)⟩

- a) Dan a, o, u, ö, ü: **c**
carté, corpet, codá, cör, cater, corf, cují, cössa, cüfa
- b) dan e, i, ë: **ch**
cherscia, chirí, chësc, cheder, chidlara, chël
- c) ala fin dla parora:
sach, pech, rich, püch, röch, ciüch, bech, bëch, lunch, lerch, stanch, sterch

⟨ć⟩

- ⇒ Le grafem ⟨ć⟩ ne vëgn nia plü adoré cun valur fonetich por [tʃ]; impede ⟨ć⟩ vëgnel scrit ⟨c⟩: ciasa, ciastel, cina, ince, ciamena, stanc, blancia, ...
- ⇒ Le grafem ⟨ć⟩ vëgn ma scrit tla combinaziun ⟨sć⟩ por desfarenzié la pronunzia [s+tʃ] dala pronunzia [ʃ] (p.ej. chësc, tosc, prësc y i.i.). Chësc vel dantadöt por i plurai dles parores che se röia tl singlar cun -sch y -st: arosch → arosć, bosch → bosć, cost → cosć, turist → turisć, y pro parores cun [s+tʃ] al mëteman dla parora y amesa la parora sciöche sćiampí, desćiarié, desćiolé, desćiurní, risćé, ...

⟨cl⟩

⟨tl⟩

- ⇒ Le grafem ⟨tl⟩ vëgn tut pro les parores arpades y ⟨cl⟩ pro i neologisms. Les parores arpades é prinzipalmënter chères che á n ⟨chi⟩ tl talian (tle/chiaive, tlamé/chiamare, tler/chiaro, tlocia/chioccia ...); neologisms é te chësc caje les parores che á ince tl talian y/o tl todësch ⟨cl⟩/⟨kl⟩: classa, clarinet, cliënt, clerus, ...

⟨e⟩

(nia azenté)

Le vocal ⟨e⟩ nia azenté tl corp de na parora mëss ince gní scrit, canch'an l'alda püch y nia:

liber (nia: libr), Gherdëna (nia: Grdëna), maester (nia: maestr), presenté (nia: psenté)

tl infinitif di verbs dla 3^a coniugaziun:

perde (nia: perd), mëte (nia: mët), defëne (nia: defënn)

N.B.: Al é falé da mëte le -e tla 3^a porsona sing. y pl. dla 2., 3. y 4. coniugaziun: al mët (nia: al mëte), ai mët (nia: ai mëte)

⟨ë⟩

Le fonem ⟨ë⟩, conesciü tla Val Badia mesana (San Martin, La Val, Lungiarü y Antermëia), vëgn ince scrit tl'alta valada y tl marou cun le medem grafem por unifiché la grafia:

- l'⟨a⟩ cört tl badiot vëgn scrit cun ⟨ë⟩, sce le talian á ⟨e⟩ o ⟨ie⟩ tla medema parora: bëgn (bene), fëgn (fieno), cëna (cena), vëgn (viene)
- le diton -ëi vëgn dagnora scrit cun le trema: ajëi, pëi, plajëi, vëighel, borëi, majarëi
- le sufis -ëza y le sufis -ënt vëgn ince scric cun le trema: ligrëza, contentëza, sacramënt, richëza, presidënt, sciacaramënt, monumënt, busiamënt, momënt

N.B.: Por gaujes d'unité vëgnel ince scrit:

Antermëia, fëia, mëia

Ti caje de parores componüdes ne toma le trema (¨) original nia demez:
mënacrép, cumpëdausc, bëgngnü, bëgnorü

Nia scrit ne vëgn le trema te caji olache al se sposta l'azënt:
cënder ↔ cendrin, scëmpl ↔ scemplamënter, vërt ↔ verdejin

<nn>

- ↪ Le grafem <nn> vëgn scrit por segnalé la pronunzia dl [n] (n dental) ala fin de chëstes parores: altonn, ann, dantann, dann, dassënn, debann, inn, jonn, mesaronn, monn, plann, pordonn, sann, malsann, sënn, sonn, tonn, toronn, intoronn.¹
- ↪ Ti atri caji se tratera de neologisms surantuc da d'atri lingac, olache la pronunzia cun [n] é tlera. Chisc neologisms vëgn scric cun -n: ozean, telefon, ozon ...
- ↪ Por ci che reverda i toponims, mantëgn i inoms locali tradizional -<nn> (Rönn, ...), i inoms internazional vëgn scric cun -<n> (Vatican, lapan, ... mo: lnn).

Le <nn> resta inant tla 3^a porsona sing. y pl. di verbs dla 3^a coniugaziun che se röia cun -ne tl infinitif:

vëne/vënn, defëne/defënn, destëne/destënn, ofëne/ofënn, pone/ponn, sfëne/sfënn, tëne/tënn, rovëne/rovënn, intëne/intënn, spane/spann, spëne/spënn ...

Do <r> vëgnel scrit n
ciurn, modern, furn, cern, invern, ...

¹ Tl marou vëgnel lapró chëstes parores: eniann, ienn (VB: ion), önn (VB: un), vignönn (VB: vignun), ciönn (VB: ciun), abastenn (VB: abastan) y i gerung de döttes les coniugaziun: ciantenn (VB: ciantan), valenn (VB: valon), respognenn (VB: respognon), dormienn (VB: dormin).

<sc>

<j>

- a) Dan e, i, ë: **sc**
sceta, scich, scëmpl, scintiné, scimia, descedé, lascé, scerieté
- b) dan a, o, u, ö: **sci**
sciabla, sciüre, sciuré, sciöche, sciosciüre, biscia, brüscia, sciacher, sciode, scüscia, dascia
- c) ala fin dla parora: **sc**
busc, büsc, pesc, pësc, präsc, chësc, crësc, patësc, pisc, prosc, nusc, crusc, müsc, grisc, susc

N.B.: Te parores sciöche **sciore**, **pasciun**, **mischiun** vëgnel ince pronunzié l'<i>.</i>

- d) <j>- da mëte man la parora:
jafa, jüfa, jopa, jená, jügn, Jan, jënder, jí, jö, jocer
- e) <j>- amesa la parora:
dlijia, ciamëja, büja, rüja, ajia, cijaó, sajun, fujina, televijiun, muje
- f) <j> ala fin dla parora (ma sce la parora é n verb che á <j>- bele tl rest dl paradigma):
al dij, al fej, al muj, ara cöj, ai plej, ares cuj, ai depënj, ares condüj
- g) le prefis **des-** devënta **dej-**
- sc'al vëgn do le prefis n <sc>: dejsaré, dejsagré
- sc'al vëgn do le prefis n **vocal**: dejarpé, dejausé, dejuniun

<ś>

- ↪ Le grafem <ś> ne vëgn nia plü scrit:
 śabla → sabla, śamare → samare, śené → sené, śogadú → sogadú,
 śoghé → soghé, śotler → sotler, ...

<š>

<ss>

- a) Pro le mëteman dla parora ne vëgnel nia plü desfarenzié danter [s] sonur (denant <ś>) y [š] surt. Intrami i sonns vëgn sëgn scric cun <š>:

<ś> sonur	<ś> surt
sabla	sabeda
soghé	sorëdl
samare	sarëgn

- b) <š> (dagnora sonur) danter dui vocai:
 ciasa, mësa, mesa, müsa, asó, avisa, rösa, pesé

- c) <š> do n consonant:

<š> sonur	<š> surt
bronsina	ponsé
mansa	palsé
fransa	Porsenú

- d) <š> dan n consonant vëgn pronunzié prësc dagnora palatal sciöche tl todësch (Stube, spielen, Stall y i.i.):
 sbramé, scalin, sforz, sgnech, slizié, smalz, snel, spiret, stiga, svilup,
 aristla, astela, ciaspa, rost, post, ...

- e) <s> dan n consonant ne vëgn nia pronunzié palatal olache al é storicamënter döes parores che röia adöm:
spo mësseste (mësses+te), misdé (mez+de), Pescosta (post+costa),
...
- f) ala fin dla parora vëgnel dagnora scrit -s (tut fora les formes verbales sot a h): la tos (mo: al toss), pros, ros, bas, tas, bos, l'os, nos
- g) por indiché <s> surt danter dui vocai: -ss-
cassa, rossa, prossa, dassënn, dessené, passé, mëssa, massa, cössa,
dessot
- h) -<ss> ala fin dla parora, sce ara se trata de n verb che á <ss> surt bele tl rest dl paradigma y tles formes dl congiuntif imperfet:
al toss, al mëss, al dess, sc'al jiss, sc'al ciantass, sc'ai fajess, ...

<mb>

<mp>

Dan le consonant y <p> vëgnel scrit m:
bampa, sciampé, pumpa, scëmpl, Ampëz, rampa, tëmp, rumpí, rëmbi ...

<h>

Le consonant <h> vëgn adoré te n valgönes parores forestes:
troht, rehl, ciuhui, hotel, ...

⟨f⟩ ⟨p⟩ ⟨sc⟩ ⟨t⟩

Por ladin scríon de regola les parores cun consonant final surt:

-⟨f⟩, -⟨p⟩, -⟨sc⟩, -⟨t⟩

corf, cerf, tlap, tēmp, stamp, nusc, crusc, grisc, cialt, frëit, vërt, motif, sportif, relief, sostantif, ...

Ezeziuns:

a) ⟨b⟩ o ⟨d⟩ ala fin pro parores forestes:

bob, club, solid, ...

b) ⟨d⟩ y ⟨j⟩ ala fin dla parora, sce ara se trata de n verb:

al per**d**, al ver**d**, al di**j**, al fe**j**, al cö**j**, al ple**j**, ...

La lëtra ⟨q⟩ ne vëgn nia scrita (ater co te parores forestes nia assimilades sciöche p.ej. quantum, quorum); impede la lëtra ⟨q⟩ adoron la lëtra ⟨c⟩: cuader, squadra, cualité, cuantité, consecuënt, quart, cuint, ...

L'apostrof

L'apostrof vëgn metü ti caji de elijiun vocalica (p.ej. l'edema, l'üsc, n'ambria, n'alcia, ...).

- ↪ Ti caji de apocopa consonantica vëgn l'apostrof dagnora lascé demez, tuc fora i caji de apocopa de [-k] → -ch, olach'al vëgn aconsié da adoré la forma plëna (p.ej. n **toch** de pan, **valch** da mangé, n **püch** ...) y porchël ince da mëte l'apostrof canche an tol les formes apocopades (n **to'** de pan, **val'** da mangé, n **pü'**, ...).

La despartiziun dles parores

Parores cun de plü silbes despartëscion de regola do silbes baiades y an se tëgn a chëstes regoles de basa:

- a) n consonant su fej silba cun n vocal che vëgn do: fa-na, pe-re, ia-ri-na, be-lë-za; mo ince: la-scia, ta-scia. Le digraf <ss> vëgn indere despartí sciöche tl talian y tl todësch: cas-sa, mas-sa, gros-sa, ...
- b) sce le pröm de dui consonanc é **l, m, n, r** vëgnel destaché da chël che vëgn do: sil-ba, am-pö-ma, tëm-pla, trën-ta, an-ta-re, cor-në-ta
- c) scenó fej dui o de plü consonanc desvalis silba cun le vocal che vëgn do: ta-blé, ca-dri-a, in-te-sta-tar, re-spo-sta, ...
- d) sce dui vocai forma n diton, vëgni conscidrá sciöche na silba sora: vë-ia, pa-ié, më-ia, pë-ia

N.B.: Sce i dui vocai ne fej nia diton, vëgni metüs pro döes silbes:
ri-a, mi-a, stri-a, ma-e-ster, ra-isc, ...

Parores prefissades o da n ater componënt bun da conësce, vëgn despartides te sü componënc:
des-grazia, mal-crëta, re-gnüda, so-batü, sura-prisc, ...

Scrí adöm o destaché

- a) Les preposiziuns **a**, **da**, **de**, **te** y articul determinatif vëgn scrites adöm:
dla uma, **al** om, **ala** si, **tla** panicia
- b) dötes les atres preposiziuns y articul determinatif dess gní scrites despartides: **cun la** uma (miú che cula), **sön la** piza (miú che söla), ...
- c) preposiziun y articul indeterminatif vëgn scric destacá: **de na** mëda, **te n** formiá, **sön na** munt, **cun na** falc, **a n** tier, ...
- d) preposiziun y pronom vëgn scric destacá:
i vá **a la** tó, i sun stá **a les** ciafé, al m'á fat plajëi **da i** odëi ...

N.B.: Pro le scrí adöm o destaché pón ince avëi les manies n pü' plü leries.

Le Verb

I. -é		II. -ëi	III -e	IV -í
I A	I B	II	III	IV A IV B

PRÉSENT INDICATIF

balé

i balli	abité	savëi	bate	dormí	capí
te bales	i abitéii	i sá	i bati	i dormi	i capësci
al/ara bala	te abitéies	te sas	te bates	te dormes	te capësces
i balun	al/ara abitéia	al/ara sá	al/ara bat	al/ara dorm	al/ara capësc
i balëis	i abitun	i savun	i batun	i dormiun	i capiun
ai/ares bala	i abitéis	i savëis	i batëis	i dormis	i capis
	ai/ares abitéia	ai/ares sá	ai/ares bat	ai/ares dorm	ai/ares capësc

inverjiun

bali	abitéii	sái	bati	dormi	capësci
baleste	abitéieste	saste	bateste	dormeste	capësceste
balel/balera	abitéiel/abitéiera	sál/sára	bate/batera	dorme/dormera	capëscel/capëscera
balunse	abitunse	savunse	batunse	dormiunse	capiunse
balëise	abitéise	savëise	batëise	dormise	capise
bali/baleres	abitéiil/abitéieres	sáil/sáires	bati/bateres	dormi/dormeres	capëscil/capësceres

IMPERFET INDICATIF

i balá	i abitá	i savó	i bató	i dormí	i capí
te balás	te abitás	te savós	te batós	te dormís	te capís
al/ara balá	al/ara abitá	al/ara savó	al/ara bató	al/ara dormí	al/ara capí
i balàn	i abitàn	i savòn	i batòn	i dormìn	i capìh
i baláse	i abitáse	i savóse	i batóse	i dormíse	i capíse
ai/ares balá	ai/ares abitá	ai/ares savó	ai/ares bató	ai/ares dormí	ai/ares capí

inverjiun

balái	abitái	savói	batói	dormíi	capíi
baláste	abitáste	savóste	batóste	dormíste	capíste
balái/balára	abitái/abitára	savói/savóra	batói/batóra	dormíi/dormíra	capíi/capíra
balánse	abitánse	savónse	batónse	dormínse	capínse
baláse	abitáse	savóse	batóse	dormíse	capíse
balái/baláres	abitái/abitáres	savói/savóres	batói/batóres	dormíi/dormíres	capíi/capíres

FUTUR

i balará	i abitará	i savará	i batará	i dormiará	i capiará
te balaras	te abitaras	te savaras	te bataras	te dormiaras	te capiaras
al/ara balará	al/ara abitará	al/ara savará	al/ara batará	al/ara dormiará	al/ara capiará
i balarun	i abitarun	i savarun	i batarun	i dormiarun	i capiarun
i balaréis	i abitaréis	i savaréis	i bataréis	i dormiaréis	i capiaréis
ai/ares balará	ai/ares abitará	ai/ares savará	ai/ares batará	ai/ares dormiará	ai/ares capiará

I. -é		II. -ëi	III -e	IV -í	
IA	IB	II	III	IVA	IVB

invejjun

balé

balarái

balaraste

balarái/balarára

balarunse

balaréise

balarái/abitaráres

abité

abitarái

abitaraste

abitarái/abitarára

abitarunse

abitaréise

abitarái/abitaráres

savëi

savarái

savaraste

savarái/savarára

savarunse

savaréise

savarái/savaráres

bate

batarái

bataraste

batarái/batarára

batarunse

bataréise

batarái/bataráres

dormí

dormiarái

dormiaraste

dormiarái/dormiarára

dormiarunse

dormiaréise

dormiarái/dormiaráres

capí

capiarái

capiaraste

capiarái/capiarára

capiarunse

capiaréise

capiarái/capiaráres

PRÉSENT CONJUGTIF

che i bales

che te bales

che al/ara bales

che i balunse

che i baléise

che ai/ares bales

che i sais

che te sais

che al/ara sais

che i savunse

che i savéise

che ai/ares sais

che i bates

che te bates

che al/ara bates

che i batunse

che i batéise

che ai/ares bates

che i dormes

che te dormes

che al/ara dormes

che i dormiunse

che i dormise

che ai/ares dormes

che i capésces

che te capésces

che al/ara capésces

che i capliunse

che i capise

che ai/ares capésces

IMPERFET CONGIUNTIF

che i balass	che i abitass	che i savess	che i batess	che i dormiss	che i capiss
che te balasses	che te abitasses	che te savesses	che te batesses	che te dormisses	che te capisses
che al/ara balass	che al/ara abitass	che al/ara savess	che al/ara batess	che al/ara dormiss	che al/ara capiss
che i balasson	che i abitasson	che i savesson	che i batesson	che i dormisson	che i capisson
che i balasses	che i abitasses	che i savesses	che i batesses	che i dormisses	che i capisses
che al/ares balass	che al/ares abitass	che al/ares savess	che al/ares batess	che al/ares dormiss	che al/ares capiss

inverjiun

balassi	abitassi	savessi	batessi	dormissi	capissi
balasseste	abitasseste	savesseste	batesseste	dormisseste	capisseste
balassel/balassera	abitassel/abitassera	savessel/savessera	batessel/batessera	dormissel/dormissera	capissel/capissera
balasson	abitasson	savesson	batesson	dormisson	capisson
balasses	abitasses	savesses	batesses	dormisses	capisses
balassi/balasseres	abitassi/abitasseres	savessi/savesseres	batessi/batesseres	dormissi/dormisseres	capissi/capisseres

IMPERATIF

balé	abité	savèi	bate	dormí	capí
bala!	abitéial!	sais!	bat!	dorm!	capésc!
balede!	abitede!	savede!	batede!	dormide!	capide!

PARTIZIP PASSE

balé	abité	salpü	batü	dormí	capí
balá	abitá	salpiús	batús	dormis	capis
balada	abitada	salpüda	batüda	dormida	capida
balades	abitades	salpüdes	batüdes	dormides	capides

GERUNDE

balan	abitan	savon	baton	dormin	capin
-------	--------	-------	-------	--------	-------

Verbs iregolars

dé

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i dá	i dé	i dará	che i dais	che i dess	dái	dé, dá,
te das	te dés	te daras	che te dais	che te desses	dedei!	dada,
al/ara dá	al/ara dé	al/ara dará	che al/ara dais	che al/ara dess		dades
i dun	i dèn	i darun	che i dunse	che i desson		
i dëis	i dëse	i darëis	che i dëise	che i desses		GERUNDE
ai/ares dá	ai/ares dé	ai/ares dará	che ai/ares dais	che ai/ares dess		don

imevjiun

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF
dái	dèi	darái	che i dais	dessi
daste	dèste	daraste	che te dais	desseste
dái/dára	dél/déra	darái/darára	che al/ara dais	desse/dessera
dunse	dènse	darunse	che i dunse	desson
dëise	dëse	darëise	che i dëise	desse
dái/dáres	dái/déres	darái/daráres	che ai/ares dais	dessi/desseres

dí

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i djji	i dijò	i djará	che i dijjes	che i dijess	dí!	dít, dic,
te dijjes	te dijòs	te djaras	che te dijjes	che te dijesses	dijede!	díta,
al/ara dij	al/ara dijò	al/ara djará	che al/ara dijjes	che al/ara dijess		dites
i djiun	i dijón	i djarun	che i dijunse	che i dijesson		
i dijéis	i dijóse	i djaréis	che i dijéise	che i dijesses		GERUNDE
ai/ares dij	ai/ares dijò	ai/ares djará	che ai/ares dijjes	che ai/ares dijess		dijon

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
diji	dijói	djarái	dijessi
dijeste	dijóste	djaraste	dijesseste
dijel/dijera	dijól/dijóra	djarál/djarára	dijessel/dijessera
djiunse	dijónse	djarunse	dijesson
dijéise	dijóse	djaréise	dijesses
djii/djieres	dijói/dijóres	djarái/djaráres	dijessi/dijesseres

dověi

PRESENT INDICATIF	IMPERFET	FUTUR	PRESENT CONGIUNTIF	IMPERFET CONGIUNTIF	IMPERATIF	PARTIZIP
---	i dō	---	---	che i dess	---	---
	te dōs			che te desses		
	al/ara dō			che al/ara dess		
	i dōn			che i desson		
	i dōse			che i desses		GERUNDE
	ai/ares dō			che ai/ares dess		---

inverjiun

IMPERFET	IMPERFET CONGIUNTIF
dōi	dessi
dōste	desseste
dōi/dōra	desse/dessera
dōnse	desson
dōse	desse
dōi/dōres	dessi/desseres

fá

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i feji	i fajó	i fajará	che i fejes	che i fajess	fá!	fat, fac,
te fejes	te fajós	te fajaras	che te fejes	che te fajesses	fajede!	fata,
al/ara fej	al/ara fajó	al/ara fajará	che al/ara fejes	che al/ara fajess		fates
i fajun	i fajón	i fajarun	che i fajunse	che i fajesson		
i fajëis	i fajöse	i fajarëis	che i fajëise	che i fajesses		GERUNDE
ai/ares fej	ai/ares fajó	ai/ares fajará	che ai/ares fejes	che ai/ares fajess		fajon

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
feji	fajói	fajarái	fajessi
fejeste	fajöste	fajaraste	fajesseste
fejel/fejera	fajól/fajóra	fajarál/fajarára	fajessel/fajessera
fajunse	fajönse	fajarunse	fajesson
fajëise	fajöse	fajarëise	fajesses
fejji/fejeres	fajöi/fajöres	fajarái/fajaráres	fajessi/fajesseres

gni

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i vègni	i gnò	i gnará	che i vègnes	che i gniss	vi!	gnü, gnüs,
te vègnes	te gnòs	te gnaras	che te vègnes	che te gnisses	gnide!	gnüda,
al/ara vègn	al/ara gnò	al/ara gnará	che al/ara vègnes	che al/ara gniss		gnüdes
i gnun	i gnòn	i gnarun	che i gnunse	che i gnisson		
i gnèis	i gnóse	i gnarèis	che i gnèise	che i gnisses		GERUNDE
ai/ares vègn	ai/ares gnò	ai/ares gnará	che ai/ares vègnes	che ai/ares gniss		gnon

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
vègni	gnò	gnará	gnissi
vègneste	gnòste	gnaraste	gnisseste
vègne/vègnera	gnò/gnòra	gnará/gnarára	gnissel/gnissera
gnunse	gnònse	gnarunse	gnisson
gnèise	gnòse	gnarèise	gnisses
vègni/vègneres	gnò/gnòres	gnará/gnaráres	gnissi/gnisseres

jí

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i vá	i jô	i jará	che i vais	che i jiss	vá!	jü, jüs,
te vas	te jös	te jaras	che te vais	che te jisses	jide!	jüda,
al/ara vá	al/ara jô	al/ara jará	che al/ara vais	che al/ara jiss		jüdes
i jun	i jôn	i jarun	che i junse	che i jisson		
i jëis	i jöse	i jarëis	che i jëise	che i jisses		GERUNDE
ai/ares vá	ai/ares jô	ai/ares jará	che ai/ares vais	che ai/ares jiss		jon

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
vái	jôi	jarái	jissi
vaste	jöste	jaraste	jisseste
vái/vára	jöl/jóra	jarál/jarára	jissel/jissera
junse	jönse	jarunse	jisson
jëise	jöse	jarëise	jisses
vái/váres	jôi/jöres	jarái/jaráres	jissi/jisseres

Í

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i líi	i lió	i liará	che i lies	che i liess	lí!	lít, líc,
te lies	te liós	te liaras	che te lies	che te liesses	liede!	líta, lítes
a/ara lí	a/ara lió	a/ara liará	che a/ara lies	che a/ara liess		
i liun	i lión	i liarun	che i liunse	che i liesson		
i lièts	i lióse	i liarèts	che i lièise	che i liesses		GERUNDE
ai/ares lí	ai/ares lió	ai/ares liará	che ai/ares lies	che ai/ares liess		liun

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
líi	liói	liarái	liessi
lieste	lióste	liaraste	liesseste
líel/liera	liói/lióra	liará/liarára	liessel/liessera
liunse	liónse	liarunse	liesson
lièise	lióse	liarèise	liesses
líi/lieres	liói/lióres	liará/liaráres	liessi/liesseroes

odëi

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i vëighi	i odò	i odará	che i vëighes	che i odess	vé!	odü, odüs,
te vëighes	te odós	te odaras	che te vëighes	che te odesses	odede!	odüda,
al/ara vëiga	al/ara odò	al/ara odará	che al/ara vëighes	che al/ara odess		odüdes
i odun	i odón	i odarun	che i odunse	che i odesson		
i odëis	i odöse	i odarëis	che i odëise	che i odesses		GERUNDE
ai/ares vëiga	ai/ares odò	ai/ares odará	che ai/ares vëighes	che ai/ares odess		odon

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
vëighi	odò	odará	odessi
vëigheste	odòste	odaraste	odesseste
vëighel/vëighera	odò/odóra	odará/odarára	odessel/odessera
odunse	odónse	odarunse	odesson
odëise	odöse	odarëise	odesses
vëighi/vëigheres	odò/odóres	odará/odaráres	odessi/odesseres

plajēi

PRĒSĒNT INDICATĪF	IMPERFET	FUTUR	PRĒSĒNT CONGIUNTĪF	IMPERFET CONGIUNTĪF	IMPERATĪF	PARTIZĪP
i pleji	i plajō	i plajarā	che i plejes	che i plajess	plej!	plajū, plajūs,
te plejes	te plajōs	te plajaras	che te plejes	che te plajesses	plajede!	plajūda,
al/ara plej	al/ara plajō	al/ara plajarā	che al/ara plejes	che al/ara plajess		plajūdes
i plajun	i plajōn	i plajarun	che i plajunse	che i plajesson		
i plajēis	i plajōse	i plajarēis	che i plajēise	che i plajesses		GERUNDE
ai/ares plej	ai/ares plajō	ai/ares plajarā	che ai/ares plejes	che ai/ares plajess		plajon

invejiun

PRĒSĒNT INDICATĪF	IMPERFET	FUTUR	IMPERFET CONGIUNTĪF
pleji	plajōi	plajarāi	plajessi
plejeste	plajōste	plajaraste	plajesseste
plejel/plejera	plajōl/plajōra	plajarāl/plajarāra	plajessel/plajessera
plajunse	plajōnse	plajarunse	plajesson
plajēise	plajōse	plajarēise	plajesses
plejil/plejeres	plajōil/plajōres	plajarāil/plajarāres	plajessil/plajesseres

scrí

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i scrí	i scríó	i scriará	che i scríes	che i scríess	scrí!	scrít, scríc,
te scríes	te scríós	te scriaras	che te scríes	che te scríesses	scriede!	scríta, scrítes
al/ara scrí	al/ara scríó	al/ara scriará	che al/ara scríes	che al/ara scríess		
i scriun	i scríon	i scriarun	che i scriunse	che i scríesson		
i scríeis	i scríõe	i scriaréis	che i scríeise	che i scríesses		GERUNDE
ai/ares scrí	ai/ares scríó	ai/ares scriará	che ai/ares scríes	che ai/ares scríess		scrion

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
scrí	scríó	scriará	scríessi
scríeste	scríoste	scriaraste	scríesseste
scríe/scríera	scríó/scríóra	scriará/scríarára	scríessel/scríessera
scríunse	scríonse	scriarunse	scríesson
scríeise	scríõe	scriaréise	scríesses
scríi/scríeres	scríó/scríores	scriará/scríaráres	scríessi/scríesseres

sté

PRESENT INDICATIF	IMPERFET	FUTUR	PRESENT CONGIUNTIF	IMPERFET CONGIUNTIF	IMPERATIF	PARTIZIP
i stá	i stò	i stará	che i stais	che i stess	stái	sté, stá,
te stas	te stós	te staras	che te stais	che te stesses	stede!	stada,
al/ara stá	al/ara stò	al/ara stará	che al/ara stais	che al/ara stess		stades
i stun	i stón	i starun	che i stunse	che i stesson		
i stëis	i stöse	i starëis	che i stëise	che i stesses		GERUNDE
ai/ares stá	ai/ares stò	ai/ares stará	che ai/ares stais	che ai/ares stess		ston

inverjiun

PRESENT INDICATIF	IMPERFET	FUTUR	IMPERFET CONGIUNTIF
stái	stói	starái	stessi
staste	stòste	staraste	stesseste
stál/stára	stól/stóra	starál/starára	stesse/stessera
stunse	stõnse	starunse	stesson
stëise	stöse	starëise	stesses
stái/stáres	stói/stóres	starái/staráres	stessi/stesseres

tó

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i toli	i toló	i tolará	che i toles	che i toless	té!	tut, tuc,
te toles	te tolós	te tolaras	che te toles	che te tolesses	tolede!	tuta,
al/ara tol	al/ara toló	al/ara tolará	che al/ara toles	che al/ara toless		tutes
i tolon	i tolón	i tolarun	che i tolunse	che i tolesson		
i tolëis	i tolöse	i tolarëis	che i tolëise	che i tolesses		GERUNDE
ai/ares tol	ai/ares toló	ai/ares tolará	che ai/ares toles	che ai/ares toless		tolon

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
toli	tolói	tolarái	tolessi
toleste	tolöste	tolaraste	tolesseste
tolel/tolera	tolóli/tolóra	tolaráli/tolarára	tolessel/tolessera
tolunse	tolónse	tolarunse	tolesson
tolëise	tolöse	tolarëise	tolesses
tolli/toleres	tolloi/tolóres	tolaráli/tolaráres	tolessi/tolesseres

vire

PRÉSENT INDICATIF	IMPERFET	FUTUR	PRÉSENT CONGIUNTIF	IMPERFET CONGIUNTIF	IMPERATIF	PARTIZIP
i viri	i viò	i viará	che i vires	che i viess	vir!	vir, vic,
te vires	te viòs	te viaras	che te vires	che te viesses	viède!	vita,
al/ara vir	al/ara viò	al/ara viará	che al/ara vires	che al/ara viess		vites
i viun	i viòn	i viarun	che i viunse	che i viesson		
i viëis	i viöse	i viarëis	che i viëise	che i viesses		GERUNDE
ai/ares vir	ai/ares viò	ai/ares viará	che ai/ares vires	che ai/ares viess		vion

inverjiun

PRÉSENT INDICATIF	IMPERFET	FUTUR	IMPERFET CONGIUNTIF
viri	viòi	viarái	viessi
vireste	viöste	viaraste	viesseste
virel/virera	viòl/viöra	viarál/viarára	viessel/viessera
viunse	viönse	viarunse	viesson
viëise	viöse	viarëise	viesses
viri/vireres	viòi/viöres	viarái/viaráres	viessi/viesseres

Verbs auxiliars

ester

avèi

PRESENT INDICATIF

posiziun normala

inverjiun

posiziun normala

inverjiun

i sun

sunsi

i á

ái

te es

este

te as

aste

al é

él

al á

ál

ara é

éra

ara á

ára

i sun

sunse

i un

unse

i sëis

sëise

i ëis

ëise

ai é

ési

ai á

ái

ares é

éres

ares á

áres

IMPERFET INDICATIF

i ê

êi

i â

âi

te ês

êste

te âs

âste

al ê

êl

al â

âl

ara ê

êra

ara â

âra

i ên

ênse

i ân

ânse

i êse

êse

i âse

âse

ai ê

êi

ai â

âi

ares ê

êres

ares â

âres

FUTUR

i sará

sarái

i ará

arái

te saras

saraste

te aras

araste

al sará

sarál

al ará

arál

ara sará

sarára

ara ará

arára

i sarun

sarunse

i arun

arunse

i sarëis

sarëise

i arëis

arëise

ai sará

sarái

ai ará

arái

ares sará

saráres

ares ará

aráres

ester**avëi****PRËSËNT CONGIUNTIF**

che i sides

che i ais

che te sides

che te ais

che al sides

che al ais

che ara sides

che ara ais

che i sunse

che i unse

che i sëise

che i ëise

che ai sides

che ai ais

che ares sides

che ares ais

IMPERFET CONGIUNTIF*poziziun normala**inverjiun**poziziun normala**inverjiun*

che i foss

fossi

che i ess

essi

che te fosses

fosseste

che te esses

esseste

che al foss

fossel

che al ess

essel

che ara foss

fossara

che ara ess

essera

che i fosson

fosson

che i esson

esson

che i fosses

fosses

che i esses

esses

che ai foss

fossi

che ai ess

essi

che ares foss

fossares

che ares ess

esseres

IMPERATIF2. *pers. sg.* sides!2. *pers. sg.* ais!3. *pers. sg.* sides!3. *pers. sg.* ais!1. *pers. pl.* sunse!1. *pers. pl.* unse!2. *pers. pl.* sëise!2. *pers. pl.* edel!3. *pers. pl.* sides!3. *pers. pl.* ais!**PARTIZIP***sg. m.* sté*pl. m.* stá*sg. m.* albü*pl. m.* albüs*sg. f.* stada*pl. f.* stades*sg. f.* albüda*pl. f.* albüdes

Verbs modai

podëi		messëi		orëi	
PRESENT INDICATIF					
<i>pozizium normala</i>	<i>inverjiun</i>	<i>pozizium normala</i>	<i>inverjiun</i>	<i>pozizium normala</i>	<i>inverjiun</i>
i pó	pói	i mëssi	mëssi	i ó	ói
te pos	poste	te mësses	mësseste	te os	oste
al pó	pól	al mëss	mëssel	al ó	ól
ara pó	póra	ara mëss	mëssera	ara ó	óra
i podun	podunse	i messun	messunse	i orun	orunse
i podëis	podëise	i messëis	messëise	i orëis	orëise
ai pó	pói	ai mëss	mëssi	ai ó	ói
ares pó	póres	ares mëss	mësseres	ares ó	óres
IMPERFET INDICATIF					
i podô	podôi	i messâ	messâi	i orô	orôi
te podôs	podôste	te messâs	messâste	te orôs	orôste
al podô	podôl	al messâ	messâl	al orô	orôl
ara podô	podôra	ara messâ	messâra	ara orô	orôra
i podôn	podônse	i messân	messânse	i orôn	orônse
i podôse	podôse	i messâse	messâse	i orôse	orôse
ai podô	podôi	ai messâ	messâi	ai orô	orôi
ares podô	podôres	ares messâ	messâres	ares orô	orôres
FUTUR					
i podará	podarái	i messará	messarái	i orará	orarái
te podaras	podaraste	te messaras	messaraste	te oraras	oraraste
al podará	podarál	al messará	messarál	al orará	orarál
ara podará	podarára	ara messará	messarára	ara orará	orarára
i podarun	podarunse	i messarun	messarunse	i orarun	orarunse
i podarëis	podarëise	i messarëis	messarëise	i orarëis	orarëise
ai podará	podarái	ai messará	messarái	ai orará	orarái
ares podará	podaráres	ares messará	messaráres	ares orará	oraráres

podëi**messëi****orëi****PRESENT CONGIUNTIF**

che i pois	che i mësses	che i ois
che te pois	che te mësses	che te ois
che al pois	che al mësses	che al ois
che ara pois	che ara mësses	che ara ois
che i podunse	che i messunse	che i orunse
che i podëise	che i messëise	che i orëise
che ai pois	che ai mësses	che ai ois
che ares pois	che ares mësses	che ares ois

IMPERFET CONGIUNTIF

<i>pozizium normala</i>	<i>inverjiun</i>	<i>pozizium normala</i>	<i>inverjiun</i>	<i>pozizium normala</i>	<i>inverjiun</i>
che i podess	podessi	che i messess	messessi	che i oress	oressi
che te podesses	podesseste	che te messesses	messesseste	che te oresses	oreseste
che al podess	podessel	che al messess	messessel	che al oress	oressel
che ara podess	podessera	che ara messess	messessera	che ara oress	oressera
che i podesson	podesson	che i messesson	messesson	che i oresson	oresson
che i podesses	podesses	che i messesses	messesses	che i oresses	oreesses
che ai podess	podessi	che ai messess	messessi	che ai oress	oressi
che ares podess	podesseres	che ares messess	messesseres	che ares oress	oresseres

IMPERATIF

ois! orede!

PARTIZIP

podü	messü	orü
podüs	messüs	orüs
podüda	messüda	orüda
podüdes	messüdes	orüdes

GERUNDE

podon	messon	oron
-------	--------	------

I numerai

	CARDINAI	ORDINAI
0	nul	
1	un	pröm
2	dui	secunt
3	trëi	terz
4	cater	cuart
5	cinch	cuint
6	sis	sest
7	set	setim
8	ot	otaf
9	nü	non
10	diesc	diejim
11	önesc	önejim
12	dodesc	dodejim
13	trëdesc	tredejim
14	catordesc	catordejim
15	chinesc	chinejim
16	sëdesc	sedejim
17	dejesset	dejessetejim
18	dejedot	dejedotejim
19	dejenü	dejenüejim
20	vint	vintejim
30	trënta	trentejim
40	caranta	carantejim
50	cincanta	cincantejim
60	sessanta	sessantejim
70	setanta	setantejim
80	otanta	otantejim
90	nonanta	nonantejim
100	cënt	centejim
1000	mile	milejim
1000000	miliun	milionejim

